

Broj: P- 2316-2
Datum: 27.04.2026.

Vaš protokola Skupštine KS: 01-04-53704-18/25

Bosna i Hercegovina
Federacija Bosne i Hercegovine
Kanton Sarajevo
Ministarstvo komunalne privrede,
infrastrukture, prostornog uređenja,
građenja i zaštite okoliša KS
ul. Reisa Džemaludina Čauševića 1
71 000 Sarajevo

PREDMET: Odgovor na zastupničko pitanje zastupnice Sanela Klarić, a u vezi izmjena i dopuna Uredbe o uređivanju i održavanju zelenih i rekreativnih površina u Kantonu Sarajevo

Poštovani,

KJKP „Park“ d.o.o. Sarajevo, nakon što ste nam putem e-maila dana 24.04.2026. godine dostavili zastupničko pitanje zastupnice Sanele Klarić, podneseno na 26. redovnoj sjednici Skupštine KS, održane 14.11.2025. godine, u nastavku vam dostavlja odgovor.

ODGOVOR NA ZASTUPNIČKO PITANJE:

KJKP „Park“ d.o.o. Sarajevo se zahvaljuje na upućenoj inicijativi, kao i na svim sličnim prijedlozima koji imaju za cilj unapređenje stanja javnih zelenih i rekreativnih površina u Kantonu Sarajevo.

Smatramo da su ovakve inicijative od izuzetnog značaja za sistemsko i dugoročno unapređenje upravljanja i održavanja zelenim površinama, odnosno infrastrukturom, posebno u kontekstu savremenih izazova poput urbanizacije i uzurpacije u odnosu na širenje gradskih zona. Ovim putem želimo istaći da su predstavnici preduzeća Park aktivno učestvovali kao članovi Radne grupe formirane 22.05.2024. godine za pripremu i izradu izmjena i dopuna predmetne Uredbe, te su kroz svoj stručni doprinos dali konkretne prijedloge u cilju unapređenja normativnog okvira.

Međutim, naglašavamo da kao javno komunalno preduzeće nemamo mogućnost utjecaja na dinamiku i tok procedura usvajanja propisa, koje su u nadležnosti Vlade Kantona Sarajevo, resornog ministarstva i Skupštine Kantona Sarajevo.

Međutim shodno nabrojanim nedostacima od strane zastupnice Klarić, želimo pojasniti sljedeće:

1. Katastar zelenih površina

U vezi sa pitanjem uspostave katastra javnih zelenih površina, želimo posebno naglasiti da se radi o izuzetno važnom i strateškom instrumentu. Katastar predstavlja ključni mehanizam ne samo za planiranje i upravljanje, već i za zaštitu i očuvanje zelenih površina, naročito u kontekstu urbanizacije

na uštrb zelenih površina.

Preduzeće Park je u više navrata inicirao i ukazivao nadležnim institucijama, odnosno Osnivaču na značaj uspostave katastra, te detaljno obrazlagalo njegovu funkcionalnu i operativnu vrijednost.

Međutim, potrebno je istaći da:

- uspostava katastra predstavlja izuzetno kompleksan i obiman proces;
- zahtijeva uključivanje i koordinaciju većeg broja institucija (općine, kantonalne institucije, akademska zajednica, komunalna preduzeća i dr.);
- podrazumijeva značajna finansijska ulaganja i kontinuitet u njegovoj provedbi;
- prema procjenama stručnjaka, realizacija ovakvog sistema zahtijeva duži vremenski period, čak i od nekoliko godina;
- taj proces ne može biti zadatak jednog komunalnog preduzeća, nego zajednički, institucionalni, a zbog kompleksnosti državnog uređenje u isti treba biti uključeno više nivo upravljanja.

Također napominjemo da prema važećem Cjenovniku komunalnih usluga, aktivnosti koje se odnose na uspostavu i upravljanje katastrom nisu obuhvaćene u okviru poslova zajedničke komunalne potrošnje, te samim tim preduzeće Park nema ni formalni ni finansijski okvir da samostalno realizuje ovaj projekt.

2. Program održavanja javnih zelenih površina

Programom održavanja koji se donosi na godišnjem nivou jasno su definisani:

- obuhvat površina koje su u nadležnosti KJKP „Park“ d.o.o. Sarajevo;
- ukupna kvadratura i struktura zelenih površina;
- sadržaj (travnate površine, drveće, ukrasno rastinje, mobilijar);
- faze i dinamika izvođenja radova;
- količine radova;
- jedinične i ukupne cijene usluga.

Međutim Program održavanja i kao takav samo je u određenoj mjeri obezbijeđen kroz budžetsku godinu KS, te je gotovo uvijek u smislu finansiranje gotovo za 50%, pa čak i više manji u odnosu na naš prijedlog koji se prema Uredbi dostavi u oktobru tekuće godine u odnosu na naredbu godinu. Na osnovu ovako definisanog Programa vrši se planiranje i realizacija svih aktivnosti održavanja.

3. Procedura orezivanja i sječe stabala

Kada je riječ o orezivanju, uklanjanju i zamjeni stabala, važno je naglasiti da su javne zelene površine u vlasništvu jedinica lokalne samouprave (općina), te da svaka Općina ima vlastite pravne akte kojima se uređuje ova oblast.

Postupak u pravilu podrazumijeva:

- podnošenje zahtjeva nadležnoj općinskoj službi;

- izlazak stručne komisije formirane od strane Općine na teren i procjenu zdravstvenog stanja stabla;
- donošenje rješenja, odnosno odobrenja od strane Općine;
- izvođenje radova od strane ovlaštenog komunalnog preduzeća, u određenim slučajevima preduzeća Park, ali to u potpunosti ne određuje pravilo.

KJKP „Park“ d.o.o. Sarajevo u ovom procesu postupaju isključivo na osnovu zvaničnih naloga i odobrenja (Rješenja) nadležnih općinskih organa, te nema ovlaštenje da samostalno donosi odluke o sječi, potkresivanju, dekapitiranju stabala na takvim površinama.

4. Ostala pitanja iz inicijative

U potpunosti se slažemo sa konstatacijama da:

- Planiranje i projektovanje zelenih površina trebaju biti jasno normirani, ali i finansirani u skladu sa našim stručnim prijedlogom;
- Programi održavanja trebaju sadržavati elemente monitoringa i nadzora;
- Programi održavanja trebaju biti finansirani u iznosu koji je predložen na osnovu stručne analize i procjene, jer u drugome minimalizira kompletan plan rada i stav struke;
- Potrebno je finansijski od strane Osnivača podržati razvoj i unapređenje rasadničke proizvodnje preduzeća Park;
- Zelene površine trebaju biti tretirane sa jednakim, ako ne i većim značajem u odnosu na rekreativne površine.

Preduzeće Park ostaje opredijeljeno za unapređenje sistema održavanja javnim zelenim površinama i stoji na raspolaganju svim nadležnim institucijama za dalju stručnu saradnju u procesu izrade i implementacije nove Uredbe.

S poštovanjem,

Akt izradil



DIREKTOR KJKP „Park“ d.o.o. Sarajevo



Dostavljeno:

- Naslovu
- Upravi
- Stručnom saradniku za informisanje
- a/a